

30. 01. 2020

02-03-5442

Sarajevo,

Broj:

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-5086 od 28.01.2020. godine, Generalna direktorica donosi:

ODLUKU

o izboru najpovoljnijeg ponuđača
za nabavku laboratorijskih centrifuga
za potrebe Kliničke mikrobiologije i Kliničke biohemije sa imunologijom

I

Prihvata se prijedlog Komisije za nabavku laboratorijskih centrifuga za potrebe Kliničke mikrobiologije (1 kom) i Kliničke biohemije sa imunologijom (1 kom), po Izvještaju br. 03-06-5086 od 28.01.2020. godine, nakon provedenog postupka javne nabavke putem konkurentskog zahtjeva i ugovor dodjeljuje najpovoljnijem ponuđaču:

- BIOMEDIA d.o.o. Sarajevo

Lot 1. Nabavka laboratorijske centrifuge za potrebe kliničke mikrobiologije (1 kom)

Ukupna vrijednost: 11.998,00 KM + PDV 2.039,66 KM = 14.037,66 KM sa PDV-om

Proizvođač i tip/ model ponuđene centrifuge: tip CENTRIC MF48; DOMEL (Tehtnica), Slovenija

Rok isporuke, instalacije, puštanja u rad i edukacije osoblja: 30 (trideset) dana od potpisivanja ugovora i izdavanja narudžbenice.

Uslovi plaćanja: Odgođeno plaćanje u roku 60 dana od dana isporuke, instalacije, puštanja u rad predmeta nabavke, edukacije uposlenika ugovornog organa i ispostavljanja fakture.

Garancija na isporučenu centrifugu: 18 mjeseci.

Lot 2. Nabavka laboratorijske centrifuge za potrebe kliničke biohemije sa imunologijom (1 kom)

Ukupna vrijednost: 11.998,00 KM + PDV 2.039,66 KM = 14.037,66 KM sa PDV-om

Proizvođač i tip/ model ponuđene centrifuge: tip CENTRIC MF48-R; DOMEL (Tehtnica), Slovenija

Rok isporuke, instalacije, puštanja u rad i edukacije osoblja: 30 (trideset) dana od potpisivanja ugovora i izdavanja narudžbenice.

Uslovi plaćanja: Odgođeno plaćanje u roku 60 dana od dana isporuke, instalacije, puštanja u rad predmeta nabavke, edukacije uposlenika ugovornog organa i ispostavljanja fakture.

Garancija na isporučenu centrifugu: 12 mjeseci.

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.2 Tenderske dokumentacije, ukoliko istu nisu predali uz ponudu, u skladu sa dostavljenom Izjavom ponuđača, a ne starijih od 3 mjeseca računajući od momenta predaje ponude.

III

Ova Odluka stupa na snagu danom donošenja i bit će objavljena na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima postupka javne nabavke.

OBRAZLOŽENJE

U skladu sa Odlukom Generalne direktorice KCUS-a broj: 02-03-68205-1 od 31.12.2019. godine, pokrenut je postupak javne nabavke laboratorijskih centrifuga za potrebe Kliničke mikrobiologije i Kliničke biohemije sa imunologijom. Postupak je podjeljen na 2 (dva) lota (procijenjena vrijednost po lotovima je Lot 1- 12.000,00 KM bez PDV-a, Lot 2- 12.000,00 KM bez PDV-a). Nabavka je planirana Planom javnih nabavki za 2019. god. pod klasifikacijom robe redni br 19. (Odluka o usvajanju Plana javnih nabavki Kliničkog centra Univerziteta u Sarajevu za 2019. godinu, broj: 360/19 protokol br. 02-01-18632/19).

Klinički centar Univerziteta u Sarajevu je na portalu E-nabavke dana 31.12.2019 godine objavio Obavještenje o nabavci broj: 893-7-1-873-3-541/19 zajedno sa Tenderskom dokumentacijom. Tendersku dokumentaciju je preuzelo 24 (dvadesetčetiri) potencijalna ponuđača, a do krajnjeg roka određenog za prijem ponuda, dana 14.01.2020. godine 9,30 sati, dostavljene su su 3 (tri) ponude ponuđača:

1. BIOMEDIA d.o.o.Sarajevo (protokol: 03-06-1794/13.01.2020.g.; Lot 1. (11.998,00 KM) i Lot 2(11.998,00 KM)
2. EUROLAB d.o.o.Bijeljina (protokol: 03-06-2012/14.01.2020.g. ;Lot1. (11.988,00 KM) i Lot 2(11.991,00 KM)
3. LAB-UNICA d.o.o.Sarajevo (protokol: 03-06-2015/14.01.2020.g. ;Lot 1.(9.965,80 KM) i Lot 2(15.100,75 KM)

Komisija imenovana Odlukom broj: 02-03-1135 od 08.01.2020. godine je izvršila uvid i provjeru svakog dostavljenog dokumenta i ustanovila da :

1. Ponuda ponuđača EUROLAB d.o.o. Bijeljina nije dostavljena u skladu sa zahtjevima tenderske dokumentacije iz razloga što ponuđač nije dostavio kvalifikacionu dokumentaciju traženu tačkom 2.1. h) kojom je tražena „validna dokumentacija kojom se dokazuje da je ponuđač ekskluzivni/autorizovani zastupnik proizvođača na teritoriji BiH ili distributer proizvođača predmetne opreme ili je u poslovnim odnosima sa proizvođačem ili sa ekskluzivnim/autorizovanim zastupnikom na teritoriji BiH; Ponuda je formalno-pravno neispravna, i kao takva je neprihvatljiva i ne može učestvovati u daljem toku postupka javne nabavke.
2. Ponuda ponuđača LAB-UNICA d.o.o. Sarajevo je dostavljena u skladu sa zahtjevima tenderske dokumentacije i ispunjava formalno pravne zahtjeve definisane tenderskom dokumentacijom, ali analizom dostavljene tehničke specifikacije i kataloškog materijala ustanovljeno je sljedeće:
 - Za Lot 1 - ponuđač je u tabeli Tehničke specifikacije (Aneks 3/1) sva polja u koloni popunio sa odgovorom „DA“ ali u koloni „Broj stranice u prospektnoj /kataloškoj dokumentaciji“ nisu upisane stranice na kojima se nalaze osnovne karakteristike tražene centrifuge. Komisija je upoređivanjem tehničke specifikacije i dostavljenog kataloškog prospektnog materijala konstatovala sljedeće nedostatke: tehničkom specifikacijom tačkom 4 traženo je da brzina rotora bude minimalno 4500 RPM a tačkom 18. traženo je da maksimalna nosivost rotora bude 4x 400ml. Ponuđena centrifuga EPPENDORF 5804 sa ponuđenom nosivosti rotora od 4 x 250 ml daje max.brzinu rotora od 4000 RPM i samim tim nisu ispunjeni zahtjevi tehničke specifikacije tačka 4. da brzina rotora bude minimalno 4500 RPM. Tačkom 19. tehničke specifikacije definisano je da izmjena rotora bude bez upotrebe bilo kakvog alata od strane korisnika, a iz prospektne dokumentacije je ustanovljeno da je za izmjenu rotora ponuđene centrifuge potreban alat.
 - za Lot 2- ponuđač je u tabeli tehničke specifikacije (Aneks 3/2) sva polja u koloni popunio sa odgovorom „DA“ ali u koloni „Broj stranice u prospektnoj /kataloškoj dokumentaciji“ nisu upisane stranice na kojima se nalaze osnovne karakteristike tražene centrifuge pa je Komisija upoređivanjem sa dostavljenom kataloškom dokumentacijom konstatovala da za tačke : 5-Indukcioni motor i 11- ispunjavanje sigurnosnih zahtjeva iz regulative EC:IEC 1010-1: IEC 1010-2-020 nema dokaza traženih karakteristika. Za tačku 14. tehničke specifikacije tražena je kontrola hlađenja od -20 do + 60°C, a u Ponudi br. 20-0100-000002 stoji konstatacija da ponuđena centrifuga nema hlađenje.Na osnovu gore navedenog ponuda ponuđača LAB-UNICA d.o.o. ne ispunjava tehničke zahtjeve definisane Tenderskom dokumentacijom i tehničkom specifikacijom, ista je neprihvatljiva i ne može učestvovati u daljem toku postupka javne nabavke.
3. Ponuda ponuđača BIOMEDIA d.o.o. Sarajevo je dostavljena u skladu sa zahtjevima tenderske dokumentacije i ispunjava formalno pravne i tehničke zahtjeve definisane tenderskom dokumentacijom i tehničkom specifikacijom za Lot 1. i Lot 2. te je ponuda prihvatljiva i može učestvovati u daljem toku postupka javne nabavke.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 3. Stav 3) u kojem je regulisano kako se e-aukcija ne može provesti u slučaju prijema jedne prihvatljive ponude, **postupak se okončava u skladu sa članom 69. ZJN.**

Obzirom da je zadovoljena transparentnost i da je cijena prihvatljive, jedine ponude u okviru osiguranih sredstava za nabavku, Komisija je Izvještajem br. 03-06-5086 od 28.01.2020. godine dala prijedlog , da se donese odluka o izboru najpovoljnijeg ponuđača i ugovor dodjeli ponuđaču Biomedija d.o.o Sarajevo.

Prijedlog Komisije je prihvaćen i donosi se odluka kao u dispozitivu.



POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS